



ბიზნეს-ინფორმაციის და მრავალფეროვნების ინსტიტუტი



მ ე მ ო რ ა ნ დ უ მ ი

ქ. თბილისი

09.03.2017

სსიპ სამცხე-ჯავახეთის სახელმწიფო უნივერსიტეტის (შემდგომში „უნივერსიტეტი“) წარმოდგენილი რექტორის, მერაბ ბერიძის სახით, ერთის მხრივ და ა(ა)იპ „ტოლერანტობისა და მრავალფეროვნების ინსტიტუტი“ (შემდგომში „TDI“) წარმოდგენილი მისი დირექტორის, ეკატერინე ჭითანავას სახით მეორეს მხრივ, მოქმედი კანონმდებლობის მოთხოვნების გათვალისწინებით, ვდებთ წინამდებარე მემორანდუმს და ვთანხმდებით შემდეგზე:

მუხლი 1. მემორანდუმის მიზანი

1.1. მემორანდუმის ძირითადი მიზანია, მხარეთა თანამშრომლობის იმგვარი უზრუნველყოფა, რომ შესაძლებელი გახდეს საგანმანათლებლო პროგრამების, სტუდენტთა და სხვა პირთა ცნობიერების ამაღლების პროგრამების, კვლევითი პროგრამებისა და სხვა საგანმანათლებლო ღონისძიებების ეფექტური განხორციელება, რაც წახალისებს TDI-ს საქმიანობის პროფილთან დაკავშირებულ სტუდენტურ საგანმანათლებლო ინიციატივებს. აღნიშნული მოიცავს უნივერსიტეტის აკადემიური უმაღლესი განათლების განვითარების მიზნით ურთიერთთანამშრომლობას.

1.2. მემორანდუმის მიზნების განხორციელებისათვის, დამატებით შესაძლებელია შედგეს შეთანხმებები, სადაც დეტალურად იქნება გაწერილი ცალკეული აქტივობები.

მუხლი 2. მხარეთა უფლება-მოვალეობანი

2.1 წინამდებარე მემორანდუმით განსაზღვრული მიზნების განხორციელებისათვის, უნივერსიტეტი უზრუნველყოფს:

2.1.1 სხვადასხვა მასშტაბების ღონისძიებებისთვის საკონფერენციო დარბაზების, ოთახებისა და სხვა სახის ტექნიკური რესურსის (როგორცაა პროექტორები, საკანცელარიო ნივთები, მიკროფონები და ა.შ.) გამოყოფას;

2.1.2 უნივერსიტეტის ფარგლებში და მის გარეთ TDI-ს მიერ ორგანიზებული ღონისძიებების რეკლამირებას და აღნიშნულ ღონისძიებებში უნივერსიტეტის პერსონალის, სტუდენტებისა და სხვა დაინტერესებული პირების ჩართულობის უზრუნველყოფას.

2.2 წინამდებარე მემორანდუმით განსაზღვრული მიზნების განხორციელებისათვის, TDI უზრუნველყოფს:

2.2.1 2016-2017 წლის განმავლობაში 3 საჯარო ლექცია/დისკუსიის ჩატარებას. ლექციებს ჩაატარებენ ადამიანის უფლებების, ტოლერანტობის, რელიგიის, სამოქალაქო განათლების საკითხებზე მომუშავე ექსპერტები. საჯარო ლექციების მიზანია რომლის მიზანია საქართველოს რეგიონებში ტოლერანტული გარემოს ხელშეწყობა და ამ მიმართულებით, ახალგაზრდების ცნობიერების ამაღლება;

2.2.2 ბლოგერების კონკურსის ჩატარებას. კერძოდ, ლექციათა ციკლის დასრულების შემდეგ, სტუდენტებს მიეცემა შესაძლებლობა მიიღონ მონაწილეობა TDI-ის მიერ გამოცხადებულ ბლოგერების კონკურსში „ტოლერანტობა, მრავალფეროვნება და ჩემს რეგიონში არსებული გამოწვევები“. კონკურსისთვის ბლოგერებს დაევალებათ ტექსტური ან მულტიმედიური ნამუშევრების მომზადება საკუთარ რეგიონში ტოლერანტობის და მრავალფეროვნების კუთხით არსებულ პრობლემებზე. ნამუშევარი შეიძლება ასახავდეს კულტურული, კონფესიური ან ეთნიკური მრავალფეროვნების წარმოჩენას, ტოლერანტობის პოზიტიურ გააზრებას.

კონკურსის შედეგად, გამოვლინდება 6 გამარჯვებული. ავტორები დაჯილდოვდებიან სერტიფიკატებითა და სპეციალური პრიზებით (პლანშეტი, წიგნის მაღაზიის ვაუჩერი). საუკეთესო ნამუშევრები ასევე გამოქვეყნდება TDI-ის ვებგვერდზე.

2.2.3 სტუდენტური პროექტების წარდგენის ხელშეწყობას. კერძოდ, ორგანიზატორები სტუდენტებს შესთავაზებენ დაწერონ პროექტი უმცირესობების ინტეგრაციისა და კულტურული მრავალფეროვნების წახალისების კუთხით საკუთარ უმაღლეს საგანმანათლებლო სივრცეში. თითო უნივერსიტეტში შეიქმნება თითო სამუშაო ჯგუფი. TDI დაეხმარება საუკეთესო პროექტების ავტორებს იდეების ლობირებაში, შესაბამის ორგანიზაციებსა და ფონდებთან კომუნიკაციასა და კონკრეტული ინიციატივების განხორციელებაში. აღნიშნული აქტივობა ხელს შეუწყობს ახალგაზრდების ჩართულობის გაზრდას საგანმანათლებლო-ცნობიერების ასამაღლებელ საქმიანობაში და გამოავლენს ლიდერებს, რომლებიც მომავალში შეძლებენ პოზიტიური ცვლილებების განხორციელებას ხელი შეუწყონ.

2.2.4 უნივერსიტეტის სტუდენტების ჩართულობის უზრუნველყოფის მიზნით, ორგანიზებული პროგრამის/ღონისძიებების შესახებ ინფორმაციის ხელმისაწვდომობას;

2.2.2 მხარეები ყოველმხრივ შეუწყობენ ხელს თანასწორუფლებიანი თანამშრომლობის განვითარებას და შეასრულებენ ურთიერთსანაცვლო ვალდებულებებს.

2.4 მხარეები იღებენ ვალდებულებას, რომ კეთილსინდისიერად და ჯეროვნად შეასრულონ ამ მემორანდუმით ნაკისრი ვალდებულებები, ყოველ კონკრეტულ შემთხვევაში, რომელიც დაკავშირებული იქნება მემორანდუმის საგანთან, აუნაზღაურონ ერთმანეთს მათ მიერ წინამდებარე მემორანდუმის შეუსრულებლობით ან არასათანადო შესრულების შედეგად მიყენებული ზიანი, საქართველოს მოქმედი კანონმდებლობით განსაზღვრული წესით.

3. მემორანდუმის მოქმედების ვადა და მისი შეწყვეტის საფუძვლები

3.1. მემორანდუმი ძალაში შედის მხარეთა მიერ ხელმოწერის მომენტიდან და მოქმედებს 1 წლის ვადით ორმხრივი ზეპირი შეთანხმების შემთხვევაში ავტომატური გაგრძელების პირობით.

3.2. მემორანდუმის შეწყვეტის საფუძვლებია:

3.2.1. მემორანდუმის მოქმედების ვადის გასვლა;

3.2.2. მემორანდუმის პირობების უხეში დარღვევა რომელიმე მხარის მხრიდან;

3.2.3. მხარის ინიციატივა - მხარეებს 3 (სამი) თვით ადრე წინასწარი დასაბუთებული წერილობითი გაფრთხილების საფუძველზე შეუძლიათ ცალმხრივად შეწყვიტონ მემორანდუმი.

3.2.4. მხარეთა წერილობითი შეთანხმება;

3.2.5. საქართველოს კანონმდებლობით გათვალისწინებული სხვა საფუძვლები.

4. ფორს-მაჟორი

4.1 მხარეები მთლიანად ან ნაწილობრივ თავისუფლდებიან მემორანდუმით განსაზღვრული ვალდებულებების შესრულებისგან, თუ ასეთი შეუსრულებლობა გამოწვეულია დაუძლეველი ძალის, ე.წ. „ფორს-მაჟორული“ გარემოებების მოქმედებით, კერძოდ საომარი—სამხედრო მოქმედებებით, გაფიცვით, სტიქიური უბედურებით (წყალდიდობა, მიწისძვრა, ხანძარი), ბლოკადით, კანონიერ ძალაში შესული სახელმწიფო ორგანოების ადმინისტრაციული აქტებით ან ქმედებებით და სხვა.

4.2. მხარეებმა დაუყოვნებლივ უნდა გააფრთხილონ ერთმანეთი „ფორს-მაჟორული“ გარემოებების დადგომისა და მემორანდუმით გათვალისწინებული ვალდებულებების მთლიანად ან ნაწილობრივ შესრულების შეუძლებლობის შესახებ;

4.3. მხარეების მიერ მემორანდუმით გათვალისწინებული ვალდებულებების შესრულება გადაიდება ფორს-მაჟორული გარემოებების მოქმედების შეწყვეტამდე.

5. კონფიდენციალურობის პირობები

მხარეთა მიერ ურთიერთთანამშრომლობის შედეგად მოპოვებული ინფორმაცია წარმოადგენს კონფიდენციალურ ინფორმაციას და არ დაიშვება წინამდებარე მემორანდუმის პირობების გაცნობა მესამე პირთათვის, მეორე მხარის წინასწარი წერილობითი თანხმობის გარეშე. აგრეთვე მხარეებმა უნდა უზრუნველყონ მემორანდუმის შესრულებისათვის გამიზნული კორესპონდენციისა და სხვა საქმიანი დოკუმენტაციის მესამე პირთა ხელყოფისაგან დაცვა, გარდა მოქმედი კანონმდებლობით დადგენილი შემთხვევებისა.

6. დასკვნითი დებულებები

6.1. წინამდებარე მემორანდუმში ცვლილებების შეტანა დაიშვება წერილობითი ფორმით, ორივე მხარის ხელმოწერით და ძალაშია ხელმოწერისთანავე.

6.2. იმ შემთხვევებში, რომლებიც არ არის გათვალისწინებული წინამდებარე მემორანდუმით, მხარეები იხელმძღვანელებენ საქართველოს მოქმედი კანონმდებლობით. კანონმდებლობაში მომხდარი ცვლილებების შედეგად ხელშეკრულების რომელიმე პუნქტის ძალადაკარგულად გამოცხადების ან ბათილად ცნობის შემთხვევაში, მემორანდუმის დანარჩენი პუნქტები ძალაში რჩება.

6.3. მემორანდუმი შედგენილია 2 თანაბარი იურიდიული ძალის მქონე ეგზემპლარად.

7. მხარეთა რეკვიზიტები

„უნივერსიტეტი“


„TDI“

სსიპ სამცხე-ჯავახეთის სახელმწიფო
უნივერსიტეტი


ა(ა)იპ „ტოლერანტობის და მრავალფეროვნების
ინსტიტუტი“

ს/კ: 424066977

ს/კ: 406099519



მერაბ ბერიძე



ეკატერინე ჭითანავა

რექტორი

დირექტორი